

<b>Adroddiad i'r</b>	Pwyllgor Llywodraethu ac Archwilio
<b>Dyddiad y cyfarfod</b>	24 Tachwedd 2021
<b>Aelod Arweiniol / Swyddog</b>	David Wilson, Archwilio Cymru
<b>Awdur yr adroddiad</b>	Steve Gadd, Pennaeth Cyllid ac Eiddo
<b>Teitl</b>	Asesiad Cynaliadwyedd Ariannol – Cyngor Sir Ddinbych

## 1. Am beth mae'r adroddiad yn sôn?

1.1. Mae'r adroddiad hwn yn ymwneud ag Asesiad Cynaliadwyedd Ariannol Archwilio Cymru o Gyngor Sir Ddinbych.

## 2. Beth yw'r rheswm dros lunio'r adroddiad hwn?

2.1. I gyflwyno copi o 'Asesiad Cynaliadwyedd Ariannol – Cyngor Sir Ddinbych' a gyhoeddwyd yn ddiweddar gan Archwilio Cymru ynghyd ag 'Ymateb y Rheolwyr' sydd ar gael yn Atodiadau 1 a 2.

## 3. Beth yw'r Argymhellion?

3.1. Bod Llywodraethu Corfforaethol yn nodi'r adroddiad ac yn ystyried ymateb y rheolwyr.

## 4. Manylion yr adroddiad

4.1. Mae'n rhaid i'r Pwyllgor Llywodraethu ac Archwilio adolygu ac asesu trefniadau rheoli risg, rheoli mewnol, rheoli perfformiad a threfniadau llywodraethu corfforaethol y Cyngor. Fel rhan o'r rôl hon mae'n rhaid iddo hefyd ystyried adroddiadau cyrff adolygu allanol fel Archwilio Cymru.

4.2. Bydd y Swyddog Adran 151 a chynrychiolwyr Archwilio Cymru yn bresennol yn y cyfarfod i ateb unrhyw gwestiwn.

4.3. Mae'r argymhelliad yn ymwneud â'r angen i sicrhau bod cyllidebau a gweithgareddau gweithredol yn cael eu halinio'n well er mwyn cynnal cynaliadwyedd ariannol parhaus. Mae'r rheolwyr yn credu bod y Strategaeth Gyllidebol a gyflwynwyd i'r Pwyllgor Llywodraethu ac Archwilio fis Ebrill yn darparu fframwaith cadarn i helpu i sicrhau bod pwysau gwasanaeth ac arbedion yn cael eu hystyried yn ystod y broses gyllidebol. Fodd bynnag, cydnabyddir bod hon yn broses barhaus sy'n gofyn am lawer o waith bob blwyddyn. Dylid hefyd cydnabod y bydd yr amrywiadau cyllidebol yn ystod y flwyddyn yn parhau i ddigwydd a bod gan Gyngor Sir Ddinbych hanes blaenorol da o reoli'r amrywiadau hynny o fewn yr adnoddau ariannol cyffredinol a ddyrennir bob blwyddyn a drwy ddefnyddio cronfeydd wrth gefn yn ofalus.

## **5. Sut mae'r penderfyniad yn cyfrannu at y Blaenoriaethau Corfforaethol?**

5.1. Mae gwaith Archwilio Cymru yn ymdrin â rhai o'r Blaenoriaethau Corfforaethol (e.e. yr Amgylchedd) ac, yn fwy cyffredinol, effeithiolrwydd rheolaethau ariannol a pherfformiad Cyngor Sir Ddinbych.

## **6. Faint fydd hyn yn ei gostio a sut y bydd yn effeithio ar wasanaethau eraill?**

6.1. Ni cheir goblygiadau ariannol uniongyrchol yn sgil yr adroddiad hwn.

## **7. Beth yw prif gasgliadau'r Asesiad o'r Effaith ar Les?**

7.1. Mae hwn yn adroddiad ar gynllun gwaith gan sefydliad allanol felly nid oes angen asesu'r effaith ar les.

## **8. Pa ymgynghoriadau sydd wedi'u cynnal gyda Chraffu ac eraill?**

8.1. Mae'r adroddiad hwn (y fersiwn ddrafft a'r fersiwn derfynol) wedi'i rannu gyda'r Swyddog Adran 151 a'r Prif Weithredwr cyn y cafodd ymateb y rheolwyr ei baratoi.

## **9. Datganiad y Prif Swyddog Cyllid**

9.1 Ni cheir goblygiadau ariannol uniongyrchol yn sgil yr adroddiad hwn. Fodd bynnag, mae hwn yn amlwg yn ddarn pwysig o waith sy'n derbyn croeso.

## **10. Pa risgiau sydd ac a oes unrhyw beth y gallwn ei wneud i'w lleihau?**

10.1. Nid oes unrhyw risg yn gysylltiedig â'r adroddiad hwn.

## **11. Pŵer i wneud y penderfyniad**

11.1. Nid oes angen penderfyniad. Mae'r adroddiad hwn er gwybodaeth yn unig.